

# PROLEGOMENA

I N

## *Disciplinas Jurium & Officiorum METAPHYSICO-ANTHROPOLOGICA.*

QUORUM

*SPECIMEN PRIMUM*

*Conf. Fac. Philos. in Acad. Aboënsi.*

*Publico examini submittunt*

**FRANCISC. MICH. FRANZÉN,**

Hist. & Mor. Prof. Reg. & Ord., Academ. Svec.  
Octodecimvir.

z z

**JOSEPHUS AUGUSTUS HOECKERT,**

Stipend. Bilmark. Borealis.

In Auditorio Physico die XIX Dec. MDCCCVIII.

h. a. m. c.

A B O Æ,  
In Officina Frenckelliana.

## PROOEMIUM.

**Q**uicumque in tironibus erudiendis occupatus fuit, facile observavit, illos parum frugis inde capere, si nullo adhibito libro, solas prælectiones exaudiunt. Neque multum adjuvat, si omnia que auribus percipiunt, litteris ipsi mandant. Hoc enim plerumque & a rite intelligenda re, verba annotare festinantium animos distrahit, & scripta procreat, quæ, primum male composita, deinde eo pluribus fædata vitiis, quo sæpius exscribuntur, non majori erunt discipulis utilitati, quam magistro laudi. Nihil autem vel illos attentiores & ad rem mente capiendam ac servandam optiores, vel hunc de eo, quod præcipuum ejus & studium sit & præmium, projectu scilicet auditorum suorum in scientia quam tradit, certiorem reddere potest, quam si, libro ab ipsis lecto, res quam continet, cum quæstionibus & objectionibus proponendis, tum commentariis & exemplis addendis, a doctore scholasticam methodum cum academica conjungente, examinetur & illustretur.

*In hunc igitur finem, non ut aliud fecisse videamur quam quod officii necessitas urget, hæc edere specimen audemus: quibus communem in disciplinas jurium & officiorum ingressum describere conabimur; has ipsas e compendiis Cel. BOETHII lectionibus academicis explicaturi. Quorum utrumque, præfertim vero recentius five Ethices illud, quod novam & præclaram in principia honesti fundit lucem, multa quidem continet, quæ universam spectant rem moralem, ex alio tamen loco visa alioque consilio exposita, quam ut hanc illis a nobis interpretandis præmittere introductionem superfluum habere possumus. Quæ simul, præcipuorum de re moralis Anctorum scripta, & quæ ad historicam illius cognitionem pertinent, discipulis nota reddendi, idoneam nobis dabit occasionem.*



## Cap. I.

*De prima rei moralis notione, & quæ illam continent elementis.*

§. I. **M**oralis exoritur res, quando factum, quod simul & fieri & non fieri potuit, approbatur vel improbat, utpote quod vel committi vel omitti aut debuit, aut licuit. Id quod simul vel fieri vel non fieri potest, liberum dicitur. Id quod debet agi vel non agi, officium, id quod licet, jus appellatur. Jurium & officiorum norma vocatur lex. Libertatem igitur & legem res moralis præsupponit. Reapse vero non existit ante imputationem: h. e. facti boni vel mali a libertate & lege derivationem.

- - - - - Our eyes  
Open'd we find indeed, ad find we know  
both good and evil.

Milton Par. Lost. IX v. 1068.

A

Mali

Mali & boni sensus nihil moralis continet, nisi accedit cogitatio, id vel sponte effectum, vel meritum esse. Duplex ideoque distinguitur malum & bonum: *physicum*, quod e naturae necessitate oriundum, vel afferationem excitat vel appetitum; & *moralē*, quod a libero arbitrio derivatum, vel vitio vertitur vel laudi. — Constat vero, unum in alterum posse mutari, intemperantiam e. c. in morbum. Confer mythos antiquos de origine mali.

Observetur ambiguitas vocabuli *moralis* in linguis recentioribus cum adjective tum substantive usitati (Moralisk, Moralitet, Moral); nunc id quod in genere justum est & honestum, nunc a naturae vi solutam & rationis imperio regendam vel personam vel actionem, nunc doctrinam de officiis & juribus, nunc rem ipsam quæ his continetur, nunc a jure cogente secretum jus conscientiae, nunc ab externis virtutum simulacris distinctam ipsius animi sanctitatem, nunc consiliorum quæ quisque sequitur rationem, significantis. Videbis quæ exempli caussa svtice composita sequuntur. Sokrates, en man af en högst moralisk Karakter, använde philosophin i synnerhet på menniskan, betraktad såsom en moralisk varelse. Han bestridde Sophisterne, som upphäfde all moral; och ehuru han icke upprättade något egentligt system: så står han likväl främst i historien om *moralen* såsom vettenskap. Utan att tydligent skilja emellan juridiskt och moraliskt rätt, häerde han likväl att en redlig man ger hyar och en fritt, han må kunna tvingas dertill eller ej. Aldre Moralister bödo blott lefnadsvishet och borgarlig dygd samt aktning för en föga moralisk religion; men Sokrates yrkade en sann *moralitet*, och täste dess grund vid ett renadt begrepp om det högste väsendet. Både i

fara

fara och lesverne var han lika skild ifrån sina begge lärjungars ytterligheter, Antisthens öfverspända och Aristipps alltför flappa moral.

§. 2. Imputationis duæ sunt partes: una cum quid a quo sua sponte actum esse existimatur: altera cum hic eo ipso vel recte vel non recte egisse censemur. Respicit itaque imputatio & agentem & actionem. In agente ponitur cum *libertas* volendi & agendi, tum *legem* cognoscendi facultas. Actio vero & ab illius potentia pependisse, & lege vel prohibita vel præcepta esse intelligitur. Comparata igitur actione cum lege, atque observata utriusque aut convenientia aut pugna, *judicium* fertur: quo illa, vel mala vel bona declarata, auctori vel culpæ tribuitur vel laudis: ipse vero aut poena aut præmio dignus aestimatur. Involvit nempe judicium necessitatem *remunerationis*, ilud ex mera idea in rem mutaturæ sensibilem, quatenus scilicet & agens & actio reales, h. e. sensui vel interno vel exterois apparentes, ponuntur. Quo facto oritur postulatio, ut moralē bonitatem vel malitiam, physicum sequatur bonum vel malum.

"Råds, brottslige, den blixt jag sänder!  
Glåds, dygd, åt en belönings-dag"!  
Från jordens kryddbevuxna stränder,  
till punkterna der hon sig vänder,  
går skallet ut af samma lag.

Leopold.

A 2

§. 3.

§. 3. Quattuor itaque componitur elementis mundus ille moralis, in physico hocce, sensibus apparente cogitandus & efficiendus: *libertate scilicet, lege, judicio & remuneratione.* Quorum prima illa sunt conditiones, sine quibus altera hæcce fieri nequeant: his vero sublati & jus naturæ, eoque fundata legis civilis, & morum castigatio, eique adjutura religio, omnem perderet vim & effectum.

Notatu forte dignum est, primos hos conceptus morales uno vocabulo suecano *Rätt* omnes fere indicari. Adjective enim & adverbialiter intellectum, medii cum fine & finis cum lege convenientiam, *libere effectam* significat, translata scilicet a lineis ad actiones *recti* notionem. Ut substantivum autem, primum universam justi & honesti rationem, deinde illius quod cuique suum est disponendi facultatem, tum & legum systema & judicium consilium, postremo vel ipsam remunerationem designat. (Quæ, non omnia tantum, latinum etiam *juris* vocabulum valet). Videas exemplum: Catilina skulle låta mörda Cicero jemte en stor del af Senaten samt tända eld på Staden Rom, men träffat. Det oaktadt infann han sig i Rådet få oförsagd, som om hans gerningar och grundsatser varit fullkomliggen rätta. Men då Ciceros tal, hvaruti han förebrådde honom ett uppenbart förakt af all *rätt* och sådana stämplingar, åt han längesedan förverkat sin *rätt* till lifvet, gjorde ett få starkt som allmänt intryck på Senaten, fann han för godt att vika undan. Emedlertid blefvo hans medsvurne Lentulus och Cethegus gripne och öfverbeviste. Cæsar yrkade väl att de brottsligas afluande vore hvarken med statskloheten eller med Romersk *rätt* enligt, helst Senaten

ej

ej vore en *rätt*, som ägde att dömma öfver medborgares liv och död; men Catos stridiga yttrande beslämde Rålets beslut: och Consuln lät i grund deraf afrätta dem i fängelset. Oaktadt en allmän röst, att denne misstdådare skett fullkomlig *rätt*, blef likväld Cicero derföre efteråt förföljd och driven i landsflykt.

## Cap. II,

### *De doctrinæ moralis definitione & divisione.*

§. 4. Data igitur per imputationem *re morali*, in principia illius *philosophia moralis* inquirit. Quæ & *practica* appellari solet: cum ex actione, libertatem & necessitatem simul involvente, ad fontem utriusque, in ipsa activitate agentis quærendum, pergit. A Theoretica autem *philosophia* ita jam distinguitur, ut eum hæc omnium, quæ sunt h. e. quæ *sciri* possunt, conditiones ex ipso subjecto sciente exquirat, illa omnium, quæ esse *debeant*, legem ex eodem petat subjecto, ea scilicet ut siant postulante (a). Quæ *philosophandi* ratio etiam illis approbanda esse videatur, qui *omnia e sensu* derivant: nam ubi est sensus nisi

(a) Observes antiquam philosophiae divisionem in Logicam (s. *dialecticam*) *Physicam & Ethicam*. Confer ceterum *WOLF*, *Philosophia rationalis sive Logica*, *Dis. Præl. C. 3* cum *KANT* *Critik der Urtheilskraft, Einleitung*. Quorum ille *Oeconomicam* etiam & *Politicam*, hic vero non nisi *Ethicam & Juris Naturæ* disciplinam ad *Philosophiae Practicæ* orbem referit. Vide *Hujus Rechtslehre* p. X *Ergänzung-Blätter* zur Allg. L. *Zeit.* *Revision des Philosophie-*

oisi in subjecto? Ut enque hoc sit, e studio in originem boni & justi non minus quam veri & pulchri penetrandi, quod proprium est omnis veræ philosophiae, nata est *disciplina moralis*: h. e. jurium & officiorum e principiis derivata doctrina.

§. 5. Quæ, quamdiu in universæ rei moralis elementis definiendis, ipsisque principiis ponendis occupatur, Wolfianam *Philosophia Prædictæ Universalis* (b) appellationem servare commode possit. Ut vero diversa ex illis oriunda jura & officia descriptura est, in *Ethicam* abit & *Juris Naturæ disciplinam*. Quarum haec jurium stricte dictorum & vis externæ, qua illa defendere licet, illa officiorum omnis generis, quatenus interne obligant, ipsisusque animi honesta voluntate colenda sunt, doctrinam comprehendit (c).

Addunt

(b) V. Wolf Philos. Pract. Univ. Francfurt. 1738. Pertinet ad hanc disciplinæ moralis partem, quod de *Summo bono* sive de *Finibus bonorum & malorum* antiqui disputatione, alio scilicet loco *De Officiis agentes*. Vide Cicerois libros De finibus honorum & malorum. Cf. Ejusdem de officiis I. I. c. 3. Adde Garve Ann. u. Abb. zu den Büchern von den Pflichten. Breslau 1587. I Th. p. 10. *Æqua ratione Moraleus philosophi a Moralem distinguunt. Col. Poëthius: Avisning till Sejoldi an såsom vettenskap.* Upsala 1607.

(c) Ratio & usus hujus distinctionis infra patebit. Cf. KANTS Rechtslehre p. XIII. XXXI. Tugendlehre p. 2, 18, 48, 54. A. S. CARSTED Over Sammanhängen mellem Dyrkefärels och Reislärens Princip. Kiöbenhavn 1798.

Addunt no manuli *Theologiam moralem*: hæc vero, si revelata est, ad *positivas remittenda est scientias*, si *naturalis*, partim ad philosophiam practicam universalem pertinet, quatenus scilicet & supremus legislator ac judex in Deo, & remuneratio absolute iusta in futura querenda sunt vita; partim ad *Ethicam*, quatenus & de officiis in Deum & de motivis ad virtutem religiosis agitur, partim etiam ad juris naturæ disciplinam, quatenus de juribus religionem & cultum divinum spectantibus quæstio movetur.

§. 6. Ex *Ethica autem & Juris naturæ disciplina* duæ aliæ exennt scientiæ: *Pædagogica* scilicet, educandæ hominis (non pueri tantum) doctrina, & *Politica*, civitatis administrandæ disciplina. Quæ morales quidem habendæ sunt, quatenus finis, cuius obtinendi scientiam docent, moraliter necessarius est, vel *Juræ naturæ* scilicet, vel *Ethica præscriptus*. Cum vero, id quod illis proprium est, modum tantum spectent, quo finis jam datus obtineri queat, rectius forte illas ad *Technicum* referas scientiarum genus, ad quod Medicina, Oeconomia, Didactica, Poëtica ceteraque pertinent (d). *Technicam nempe scientiam*

(d) Cf. KANT I. I. c. c. *Die reine Geometrie hat Postulate als praktische Sätze, die aber nichts weniger enthalten, als die Voraussetzung, daß man etwas thun könne, wenn etwa gefordert würde, man solle es thun, und diese sind die einzigen Sätze derselben, die ein Daseyn betreffen. Es sind also praktische regeln unter einer problematischen Bedingung des Willens. Moralis antem regulæ sagt: man solle schlechthin auf gewisse art verfahren &c. Critik der praktischen Vernunft, Riga 1792. p. 55.*

tiam a morali distinguit, quod hæc voluntatem, illa intellectum tantum spectat, quod hæc ipsum finem quem quærere debes, illa non nisi *adminicula*, quibus istum pro lubitu electum obtineri possis, tibi præscribit, quod hæc itaque officia, illa artem docet.

Observandum vero est: 1:o multa quæ moralia sunt technica fieri, quatenus media finem præscriptum obtaini respiciuntur: valetudinis e. c. cara e morali orbe in medium transit; 2:o id quod technicum est morale fieri, quatenus finis seu usus artis respicitur: carmine e. c. poëta moribus vel nocere vel prodefesse potest.

§. 7. Respectu modi, quo tractatur Morum doctrina, in *popularem* & *scientificam*. Illa ea tantum quæ ad usum proxime spectant, ita tradit, ut a multitudine percipi queant. Hæc, ex ultimis derivatum principiis, *systema connectit unum & integrum*.

Indubium quidem est plurimos illa sola imbutos, quin, sua tantum ratione & conscientia, quadantenus exculta & exercitata, ductos, honeste vivere (e). Scientiæ tamen moralis & per se summa est dignitas,  
¶ ma-

(e) πολλοι λόγου μη μαθεύτες, ζῶσι πατεῖ λόγον. Democrat. in Opusc. Mythol. Amst. 1688 pag. 6:7. Alius nemp̄ est usus rationis philosophicus, quando mens ipsa se speculatur, alias popularis, quando in res vim suam exercet; hunc vero certorem fieri, illo præmissio, quis jam dubitet?

& maxima cum in popularem institutionem, tum in civitatem & religionem efficacia. Illa enim, si vel in raris quibusdam ingeniis, antiquiori præsertim ævo fertilissimas e se ipsis quasi creantibus ideas, sola suffecit, in plurimis tamen doctoribus scientificam præ-supponit eruditionem. Civitatis autem & religionis omnis pendet auctoritas a principiis illis justi & honesti, in quorum originem moralis inquirit scientia.

§. 8. Cum vero hæc, atque ex his oriunda jura & officia, vel in universum a priori definiri, vel ad peculiarem hominis, in terrestri sensibilium orbe versantis, naturam adaptari possint, in *puram* & *applicatam* omnem dividere solent scientiam moralem: illam etiam *Metaphyscam Morum*, hanc *Anthropologiam moralē* appellantes.

Quod ne male intelligatur, hæc observanda sunt. 1:o Omne quidem scientiam puram, (moralem similiter ac mathematicam) experientia præcessit, quæ & mentem ad cogitandum excitavit & materiam præbuit cogitandi. Sic rotunda observata sunt objecta, ante circuli notionem formatam. Sic cædes patrata est, ante juris & officii, vitam hominis spectantis, descriptionem. Male tamen inde colligas, id quod hæc notiones universale continent & necessarium, sensibus esse perceptum, nullosque fieri posse conceptus a priori, ideoque nullum esse inter scientiam puram & applicatam discrimen.

2:o Ab hominis quidem conscientia exit, & ad hominis vitam se refert omnis morum doctrina. Facile tamen liquet

Iquet, puram illam in orbe *Metaphysicæ* versari, applicatam vero in *Anthropologie* fines excurrere. Hæc scilicet, iuri etiori sumta sensu, de homine agit, primum qualem naturam fecit, deinde qualem ipse se sua sponte præstare solet, cum in genere tum in individuis consideratus. Quapropter in *physicam* & *historicam* dispici commode posse nobis videtur. Illa *Somatologium*, *Anatomia* & *Physiologia* immixtam, & *Psychologiam Empiricam* nec non *Naturalēm hominis historiam* complectatur. Hæc & totius generis Moralem narrat *historiam*, & diversarum gentium atque individuorum describat mores & ingenia. Utraque igitur ministravit Morum doctrinæ maxime utilis & apta. Latiori autem sensu intellecta, *Anthropologia* tertiam adhuc comprehendere possit partem, *moralēm* scilicet, quæ, finem generis humani ostensura, & generalem describat hominis perfecti idealam, & speciales viri, fœminæ, juvenis, senis, parentis, filii, patris- & matrisfamilias, fratris, sororis, civis, militis, principis, &c. &c. imagines depingat. Hæc igitur *Anthropologiae* pars ad applicatam morum doctrinam proxime accederet: puram vero sive *Metaphysicam*. Morum præsupponeret (f). Ita quidem in eundem convenient locum *Anthropologia* & Morum doctrina, e diversis tamen profectæ principiis, illa ex eo quod est, hæc ex eo quod debet esse,

illa

(f) Cfr. JOH. ITH *Anthropologie*, I Th 2:te Auflage, Winterthur 1803. p. 57 sqq. KANT *Anthropologie in pragmatischer Hinsicht*, Königsherg 1800. Vorrede IV. AUG. W. TAPPE *Ueber den Ursprung, Begriff und Werth einer gründlichen Anthropologie*. Bei Gelegenheit des öffentlichen Examens am Kayserl. Gymnasium zu Wiborg. Quorum KANT *Physiologicam* tantum & *Pragmaticam*, ITH *Physiologicam*, *Psychologicam*, *Historicam* & *Moralēm* sive *Teleologicam*, TAPPE *Theoreticam* & *Practicam*, (hac in generalem specialem & individualem divisa, universali autem sub theoreticam relata) distinguunt *Anthropologiam*.

illa e *sensibili*, hæc ex *ideali* orbe, illa e *theoreticæ*, hæc e *practicæ* philosophiae fontibus.

§. 9. In tironibus igitur docendis minime quippe negligenda est distinctio illa in puram & applicatam; vix tamen adeo stricte tenenda, ut non ex una in alteram transgredi vel utramque connectere siceat. Nobis saltem ad consilium nostrum aptissime fieri visum est, si notiones *libertatis*, *legis*, *judicii* & *remunerationis* a priori definitas, ad hominem ejusque voluntatem & actionem, ut *subjectum* & *objectum* earum in hoc terrestri, quem nos novimus, ordine rerum, mox referremus: ita & clariorem & ad animos juvenum movendos aptiore reddituri doctrinam, *metaphysico-anthropologicam*.

Ut vero illis mox liqueat, non in vanis venandis umbris se fore occupatos, sed in re apprehendenda, quæ & ad omnes pertinet homines, & omni tempore a doctissimis & sagacissimis viris disquisita est & tractata: *historiam* præmittamus, & *rei moralis*, & doctrinæ de illa, brevissimam.

### Cap. III.

#### *De origine & progressione rei moralis.*

§. 10. Quidquid de *principiis* rei moralis philosophi, scientiam ejus constructuri, in contrarias di-

B 2

sputa-

sputaverint partes: ipsius *fæcti*, quo illa pro data ponitur, imputationis scilicet, cum in animis, tum in vita hominum communi fieri solitæ, vel *veritatem historicam* vel *necessitatem practicam* nemo unquam negavit.

Quod ad veritatem primum attinet, hæc in hominibus omni loco & tempore observata sunt. 1:o Injuriam, ab aliis ratione & libertate utentibus sibi illatam, eodem haud ferunt animo, quo damnum sive a re inanimata sive a bestia factum: sed criminantur illos & ulciscuntur; suam vero injustitiam juris specie praetegere student. 2:o Non facinora tantum, sed mores etiam aliorum, et si se nullo modo spectent, vel laudant vel vituperant, ipsosque vel suspiciunt vel contemnunt atque fortuna sua vel dignos vel indignos aestimant. 3:o Ipsi se accusant & judicant: nunc poenitentia, pudore, metu afflitti, nunc animi sui se approbantis, consolantis, exhortantis testimonio beati. 4:o Religiosa fide æternam supremi numinis justitiam aut metuant aut sperant.

Quæ omnia, *judicij ac remunerationis* ideam continentia, & *libertatis* hoc vel illud volendi agendique, & *legis* hoc præcipientis, illud prohibentis, sensum in homine præsupponunt, ab objectiva sui ipsius ut personæ apprehensione sive conscientia (*medvetande*) inseparabilem, ideoque etiam eodem nomine *conscientiæ*, appellatum: practicæ vero seu moralis epitheto a theoretica

theoretica illa distinguendum (*Samvete illum Sveci dicunt*).

§. II. Quod deinde necessitatem facti hujus spectat: sublata imputatione, velisne in hominum vivere societate? possit ne ulla consistere civitas, ullum pacatum, ullum confortium? Aut si spectatorem tantum rerum humanarum agas: inveniasne in mundo physico solo finem, in quem providentia divina genus mortaliuum ratione ornaverit & libertate? Inutilibus fane donis nisi in dignitate morali, illamque demum secutura felicitate, summum esset hominibus quærendum bonum, summa petenda meta! Alias "eam dedisset hominibus rationem, quæ vitia culpamque excluderet" (g). Religio autem, morali ejus parte ablata, quid foret? Aut supersticio absurdæ & turpis, aut theorema mere physicum vel si mavis metaphysicum.

Tantum quidem sublimi illi de globo centrali, omnes soles, omnia planetarum & cometarum systemata, omnes vias lacteas & nebulosas circum se gyrange hypothesi, idea Spiritus infiniti, universum creantis & regentis, semper præstat, quantum corpori animus præstat. Sublati autem bonitate, justitia, sanctitate divina, quæ, si moralis tollitur hominum conscientia, nullum habent fundamentum: personificatio illa naturæ & fortunæ in Deo

(g) Cic. De Nat. Deor. III. 31.

Deo facta, vix aliam quam fati, antiquis crediti, gigantea iugro in animos mortalium exsereret vim: aut metu illos in humum deprimeret, aut ad Titanum & Promethei rebellem efferret audaciam. Verbo, vel usum tantum vitae quotidiane, vel finem generis humani, vel principium universae naturae respicias: necesse tibi erit moralem statuere mundum, a te ipso oriundum, omnem vero spatii & temporis immensitatem ideis boni, honesti, perfecti comprehensum.

§. 12. E duplii igitur fonte res moralis, inter homines semper & ubique solemnis, originem suam ducit: 1:o e conscientia libertatis & legis in quovis rationis compote indubia; 2:o e necessitate judicij & remuneracionis tam humanæ quam divinæ, æque clara & certa. *Com* vero & *lex* & *judicium* sine notitia agendorum & non agendorum nihil valeat; omnis autem notitia vel observationi debeatur vel meditationi: facile constat, *cultura* opus esse ut ceterarum, sic moralium in homine facultatum,

Hanc fere fuisse rei moralis, a primo usque e feritate in humanitatem nisi cum religione connexæ, progressionem, credere licet (b).

Inizio

(b) Historiam rei moralis, h. e. & notiorum popularium de turpi & honesto, & virtutum & vitiorum diversis locis temporibusque dominantium, plenam & perfectam qui tractaverit, nemo nobis innaturit. S. r. autem scriptores historiae hominis moralis: e. c. Is., ISEGY Ueber die Geschichte der Menschheit, 1. 2 T. H. J. G. HARDER Ideen zur Philosophie der Geschichte der Menschheit, 1. ENRY HOME

Initio quod quisque sibi *ducendum* & *utile* expertus erat, id solum approbat, nullum tene inter physe & moraliter bonum faciens discrimin. Timuit tamen & coluit, interdum etiam reprehendit & puniit certainam quandam naturæ vim aut ejus symbolum sive brutum sive manu factum (Feuissam vocant). Cui scilicet suum tribuit indolem morallem, ipse vel ad nocendum, vel ad benefaciendum, sensuum tantum impulsu commotus, eoque melior sibi visus, quo ferocior esset & affutior.

Cum tamen in societate mox viveret (i), in familia neope natus: naturalem in suos *benevolentiam* amor sexuum stirpsque & sanguinis, sympathia, mutuum auxilium, utaque vivendi consuetudo, vel in Anthropophagis genuerunt, saepè tamen cum incredibili in feminas, infantes, senes omnesque infirmos crudelitate conjunctam. In familia vero, uno alterum laedente, vel pluribus idem cupientibus, aut pugna victoriaque direpta est lis, aut discesserunt e familia unus in orientem alter in occidentem, aut pater - familias jus dixit, suum cuique tribuens. Sic injuria & æmulatione atque res tuto possidendi necessitas primam genuere *justi* & *injusti* distinctionem; seniorumque, sapientiorum & fortiorum auctori as, vatuum oraculis prodigiisque, puerili hominum rudium phantasie acceptissimis, munita, consuetudines & leges instituit, quibus *jura* cujusque in societate viventis descripta sunt & conservata, quarumque tutela & vindicatio

(Lord KAMES) *Essay on History of Man* (Germanice Leipzig 1783)  
Vol. 1 & 2. AD. FERGUSON *Essay on the History of Civil society*  
KARL H. L. PÖLITZ *Geschichte der Kultur der Menschheit*.  
Ceterum historias vide gentium diversarum, itinerum descriptiones,  
nec non poëmata, quibus ævi cujusdam *mores* describuntur.

(i) V. FERGUSON l. c. P. I. Sect. 1.

vindicatio Diis tributa est, quos jam e Petissis in Penates, Larēs, totiusque gentis (cognitione, usu & religione primum in gregem Nomadum (*hord*) deinde in civitatem agricolarum consociatæ) patronos, senior & humanior mutaverat superstitio. Vix vero aliis, quam qui in una viverent societate, vel aliquo saltem pacto inter se conjuncti essent (*εγνώσις* apud Græcos), ullum competere jus credebatur: hospitis etiam jure, quod barbaris sanctum esse solet, e tacita quadam conventione derivato: nec ulla cognita in Deos ipsos obligatione, nisi e sœdere cum illis inito proficiente. Hæc vero Justitiae species socialis & civilis adeo culta est, ut infinitum fere vindictæ cum humanæ tum divinæ futorem poscere crederetur. Exempla sunt *Goel* Hebræorum & *Arabum*, *Eumenides* & *Neniesis* Græcorum.

Cultior autem, artiumque scientiarum & commerciorum flore ornata hominum vita & societas, non potuit non efficiere, ut præter utile & justum, id etiam, quod in moribus esset temperatum & decorum, in animo humanum & generosum, magni aestimaretur. Præcipue tamen in factis, quæ communī inservierunt bono, virtus eminebat: summaque erat laus pro aris & focis se devovisse.

Perfecto tandem & civili ordine & ingenii cultura, vel ratio purior, vel mens divinior, aliquid esse omnino & per se honestum decrevit, quo, non in externis tantum actionibus & moribus apparituro, sed ex intimo animo oriundo, nec in cives tantum & socios, sed in peregrinos & hostes, in omnes rationis compotes, quin in bruta animaria exercendo, sanctissimum quod omnia regit numen, vere colatur.